

絕妙好詞箋

海上

局書新啟

行發



線  
833.5  
564  
7426

12  
v. 2

舊籍







絕妙好詞箋卷三

舟陽老人周密原輯

宛平查為仁  
錢唐厲鶚  
同箋

劉克莊

克莊字潛夫號後邨莆田人以蔭任淳祐中賜同  
進士出身官至龍圖閣直學士有後村別調一卷

摸魚兒

甚春來冷煙淒雨朝朝遲了芳信。暮然作暖晴三日。又覺萬姝嬌困。天怎忍。潘令老不  
成也。沒看花分。才情減盡。悵玉局飛仙。石湖絕筆。辜負這風韻。傾城色。懊惱佳人薄  
命。墻頭岑寂。誰問東風日。莫無聊。賴吹得燕支成粉。君細認。花共酒。古來二事天尤吝。  
年光去。迅。漫綠葉成陰。青苔滿地。做取異時恨。

卜算子

海棠為風  
兩損所

片片蝶衣輕。點點猩紅小。道是天工不惜花。百種千般巧。朝見樹頭繁。莫見枝頭少。  
道是天工果惜花。雨洗風吹了。

清平樂

項在維揚陳師文參議  
家舞姬絕妙為賦此

宮腰束素。只怕能輕舉。好策避風臺護取。莫遣驚鴻飛去。一團香玉溫柔。笑顰俱有  
風流。貪與蕭郎眉語。不知舞錯伊州。



生查子 燈夕戲

繁燈奪霽華。戲鼓侵明滅。物色舊時同。情味中年別。淺畫鏡中眉。深拜樓中月。人散

市聲收。漸入愁時節。

花菴絕妙詞選云陳以莊名敬叟號月溪建安人劉後村陳敬叟集序云敬叟詩才氣清拔力量宏放為人曠達如列禦寇莊周飲酒如阮嗣宗李太白筆札如谷子雲草隸如張顛李潮樂府如溫飛卿韓致光余每歎其所長非復一事為穀城黃子厚之甥故其詩酷似云

吳潛

潛字毅夫號履齋寧國人嘉定十年進士第一淳祐中觀文殿大學士封慶國公改封許國公景定初安置循州卒贈少師有履齋詩餘三卷

滿江紅 金陵烏衣園

柳帶榆錢。又還過、清明寒食。天一笑、滿園羅綺。滿城簫笛。花樹得晴紅欲染。遠山過雨青如滴。問江南、池館有誰來。江南客。烏衣巷。今猶昔。烏衣事。今難覓。但年年、燕子晚煙斜日。抖擻一春塵土債。悲涼萬古英雄迹。且芳樽隨分趁芳時。休虛擲。

景定建康志云烏衣園在城南二里烏衣巷之東一堂扁曰來燕歲久傾圮咸淳元年馬公光祖撤而新之堂後植桂亭曰綠玉香中梅花彌望堂曰百花頭上其



餘亭館曰更履曰穎立曰長春曰望岑曰挹華曰更好左右位置森列佳花美木  
芳蔭蔽虧非復曩時寒煙衰草之陋矣

### 南柯子

池水凝新碧蘭花駐老紅有人獨倚畫橋東手把一枝楊柳繫春風  
鵲伴游絲墜蜂

粘落蕊空鞦韆庭院小簾櫳多少閑情閑緒兩聲中

景定建康志吳潛雨花臺再用前韻滿江紅云瑪瑙岡頭左釀酒右持螯食懷  
舊處磨束治劍弄青溪笛望裏尚嫌山是障醉中要捲江無滴這一堆心事總  
成仄蒼波客歎俛仰成今昔愁易攪歡難覓正平蕪遠樹落霞殘日自咲頻招  
猿鶴怨相期蚤濕漁樵想跡把是非得失與榮枯虛空擲  
開慶四明續志吳潛水遇樂己未元夕云祝告天公放燈時節且收今雨萬戶  
千門六街三市綻水晶雲母香車寶馬珠簾翠幙不怕禁更敲五霓裳曲驚回  
好夢誤遊紫宮朱府沉思舊員京華風景迥曉猶聽戲鼓分鏡圓時斷釵合處  
債咲歌與舞如今閑院蜂殘蠅褪消夜果邊自語虧人殺戲梅花紙帳揮將睡  
補滿江紅戊戌年二月十七日四明窗賦云芳景無多又還是亂紅飛墜空帳望  
昭亭深處家山桃李柳花心都脫換蜂鬢蝶翅難沾綴謾相携一笑競良辰眼  
春膠美金獸蕪香風細金鳳抱歌雲膩儘秦簫燕管但逢場爾只恐思鄉情味  
惡怎禁寒食清明裏問此翁不止四宜休歸未  
豹隱紀談徐參政清叟微時贈建寧妓唐玉詩云上國新行巧樣花一枝聊插  
鬢雲斜綺嬌羞未肯從郎意故把芳容故遮吳履齋丞相和以賀新郎詞云可  
意人如玉小簾櫳輕勻淡抹道家妝東長恨春歸無尋處全在波明黛綠看冶  
葉倡條渾俗比似江梅清有韻更臨風對月斜依竹看不足詠不曲屏半掩  
春山篔簹正輕寒夜深花睡半歌殘燭縹緲九霞光裡夢香在衣裳臙又只恐  
銅壺聲促試問送人歸去後對一奩花影垂金粟腸易斷恨難續  
至元嘉禾志吳潛水調歌頭煙雨樓云有客抱幽獨高立萬人頭東湖千頃  
煙雨占斷幾春自茂林修竹不用買花沽酒此樂若為酬秋到天空濶浩  
氣與雲浮歎吾曹緣五斗尚遲留練江亭下長憶閑了釣魚舟矧更飄搖身世  
又更奔騰歲月辛苦復何求咫尺桃源隔他日擬重遊  
齊東野語朔齋劉震孫知宛陵毅夫丞相方開居劉日陪午橋之游後以召還  
吳錢之郊外劉賦摸魚兒詞為別末云怕綠野堂邊劉郎去後誰伴老裴度



夫為之揮淚繼遣一价追和此詞并侑以小奩啓之精金百星也前輩滿才賞音如此

尹煥

煥字惟曉山陰人嘉定十年進士自畿漕除右司郎官有梅津集

霓裳中序第一

茉莉

青鬢繁素壓海國仙人偏耐熱餐盡香風露屑便萬里凌空肯憑蓮葉盈盈步月悄似  
憐輕去瑤闕人何在憶渠癡小點點愛輕綽 愁絕舊游輕別忍重看鎖香金篋淒涼  
今夜簟席怕杳杳詩魂真化風蝶冷香清到骨夢十里梅花霽雪歸來也厭厭心事自  
共素娥說

全芳備祖云素馨花舊名那悉茗一名野悉茗昔劉銀有侍女名素馨冢上生此花因以得名尹梅津霓裳中序第一云云

眼兒媚

垂楊裊裊蘸清漪明綠染春絲市橋繫馬旗亭沽酒無限相思 雲梳雨洗風前舞一  
好百般宜不知為甚落花時節都是顰眉

唐多令

茗溪有牧之之感

蘋末轉清商溪聲供夕涼緩傳盃催喚紅妝慢綰烏雲新浴罷拂拂地水沉香 歌短  
舊情長重來驚鬢霜悵綠陰青子成雙說着前歡伴不保颺蓮子打鴛鴦

齊東野語云尹梅津未第時薄游茗霽籍中適有所盼後十年問訊舊遊則久為宗子所據且育子而猶挂名籍中於是假之即將久而始來顏色瘁報不足膏沐



相對若不勝情梅津為賦唐多令云

吳文英夢窗甲藁水龍吟壽尹梅津云望春樓外滄波舊年照眼青銅鏡煉成  
寶月飛來天上銀河流影紺玉鈎簾處橫屏塵天香分鼎記殷雲殿瑣  
露曲江畔春風勁槐省紅塵盡靜午朝回吟生晚興春霖繡筆鶯邊清曉  
旌整閩苑芝生貌生綃對綠窗深景弄瓊英數點宮梅信早占年光永  
金猊

### 趙以夫

以夫字用父號虛齋福之長樂人嘉定中正奏名歷知邵武軍漳州皆有治績嘉  
熙初為樞密都承旨二年拜同知樞密院事淳祐初罷尋加資政殿學士進吏部  
尚書兼侍讀詔與劉克莊同纂修國史

### 憶舊遊慢

花

望紅蕖影裏冉冉斜陽十里沙平喚起江湖夢向沙鷗住處細說前盟水鄉六月無暑  
寒玉散清冰笑老去心情也將醉眼鎮為花青亭亭步明鏡似月浸華清人在秋庭  
照夜銀河落想粉香溼露恩澤親承十洲縹緲何許風引綵舟行尚憶得西施餘情裊  
裊煙水汀

### 姚鏞

虛齋樂府徵韶咏雪云玉壺凍裂琅玕折駸駸逼人衣袂暖絮張空飛失前山  
橫翠欲低還起似妝點滿園春意記憶當時剡中情味一溪雲水天際絕行人  
高吟處依稀瀟灑橋隣里更前剪梅花落雲階月地化工真解事強勾引老來詩  
思楚天暮驛使不來悵曲闌獨倚

鏞字希聲號雪蓬剡溪人贛州守有雪蓬集一卷剡錄云姚鏞嘉定十年吳潛榜  
進士

### 謁金門

吟院靜遲日自行花影薰透水沉雲滿鼎晚妝窺露井飛絮遊絲無定誤了鶯鶯相



等欲喚海棠教睡醒。奈何春不肯。

### 羅椅

椅字子遠號礪谷癸辛雜識云羅椅廬陵人富家子壯年捐金結客後為饒雙峯高弟又以薦登貢師憲之門丙辰第進士以秉義郎為江陵教改潭教及宰贛之信豐遷提轄權貨度宗升退失於入臨論罷  
實祐四年登科錄第二甲第三十人羅椅字子遠小名天驥第七十一永感下年四十三十二月十五日寅時生外氏孫治賦四舉娶劉氏曾祖上達祖維翰宣政郎父沂宣義郎本貫吉州廬陵縣化仁鄉祖為戶

### 柳梢青

萼綠華身小。桃花扇。安石榴裙。子野聞歌。周郎顧曲。曾惱夫君。悠悠羈旅愁人似零

落青天斷雲。何處銷魂。初三夜月。第四橋春。

詞旨警句何處銷魂初三夜月第四橋春柳梢青

翰墨全書羅綺八聲甘州孤山有感云甚匆匆歲月又人家插柳記清明政南北高峯風傳笑響如泛簫聲吹散樓臺煙雨鶯語諄也春晴何所無芳艸惟此青青誰管孤山山下任種梅月冷薦菊泉清看人情如此沉醉不須醒問何時樊川歸去嘆故鄉七十五長亭君知否洞雲溪月笑我飄零

### 方岳

岳字巨山號秋崖祁門人紹定五年進士兩為文學掌故官中秘書出守袁州有秋崖先生詞藁

### 江神子

丹  
窗綃深掩護芳塵。翠眉顰。越精神。幾雨幾晴。做得這些春。切莫近前輕著語。題品錯。怕花真。碧壺難貯玉粼粼。碎香茵。晚風頻。吹得酒痕如洗。一番新。只恨謫仙。渾懶事。事



負却倚闌人

秋崖詞藁滿江紅九日登治城樓云且問黃花陶令後幾番重九應解咲秋崖  
人老不堪詩酒宇宙一舟吾倦矣山河兩戒君知否倚西風無奈劍花寒虬龍  
吼江欲醜談天口秋何負持螯手儘石麟蕪沒斷煙衰柳故國山圍青玉案何  
人印佩黃金斗倘只消江左管夷吾終須有

楊伯蟲

伯蟲字彥瞻號泳齋楊和王諸孫居臨安淳祐間除工部郎出守衢州錢唐薛尚  
功之外孫弁陽周公謹之外舅也有六帖補二十卷九經補韻一卷行世

踏莎行  
雪中疎寮借閣帖  
更以薇露送之

梅觀初花蕙庭殘葉當時慣聽山陰雪東風吹夢到清都今年雪比年前別  
重釀宮

醪雙鈞官帖伴翁一笑成三絕夜深何用對青藜窗前一共蓬萊月

法帖譜系云熙陵以武定四方載橐弓矢文治之餘留意翰墨乃出御府歷代所  
藏真蹟命侍書王著摹勒刻板禁中釐為十卷此歷代法帖之祖  
格古要論云太宗搜訪古人墨蹟於淳化中命侍書王著摹勒作十卷用棗木板  
刻置秘閣上有銀錠紋用澄心堂紙李庭珪墨拓打以手指之墨不汚手親王大  
臣各賜一本人間罕得  
諸書附志云淳熙秘閣續法帖十卷淳熙十二年三月十九日奉聖旨摹勒鍾繇  
諸人帖  
武林舊事云諸色酒名薔薇露流香並御庫  
中興館閣續錄云高似孫字續古鄞縣人淳熙十一年進士慶元五年十月除秘  
書省校書郎六年二月通判

周晉

晉字明叔  
號嘯齋

點絳脣  
訪年存叟  
南漪釣隱



午夢初回。捲簾盡放春愁去。畫長無侶。自對黃鸝語。絮影蘋香。春在無人處。移舟去。未成新句。一研梨花雨。

癸辛雜識云弁端明園本郡志南園後歸李寶謨其後又歸年存齋園中有碩果軒大梨一株元祐學堂芳菲二亭萬鶴亭茶蘼雙李亭梓舫齋岷峨一畝宮前枕大溪曰南漪小隱吳興掌故集云年子才字存叟其先并研人愛吳興山水清遠因家湖州之南門

### 清平樂

圖書一室。香暖垂簾密。花滿翠壺薰研席。睡覺滿窗晴日。手寒不了殘碁。篝香細勘

唐碑。無酒無詩情緒。欲梅欲雪天時。

珊瑚網郭昇手書此詞跋云大德十一年歲丁未十月初十日客寓燕山奔走暮歸黃塵滿面挑燈讀此詞一過想像江南如夢中也

柳梢青 楊花

似霧中花。似風前雪。似雨餘雲。本自無情。點萍成綠。却又多情。西湖南陌東城。甚管定。年年送春。薄倖東風。薄情遊子。薄命佳人。

### 楊 纘

纘字繼翁嚴陵人居錢唐寧宗楊后兄次山之孫號守齋又號紫霞翁圖繪寶鑑云度宗朝女為淑妃官列卿好古博雅善琴有紫霞洞譜傳世時作墨竹

八六子 牡丹次 白雲韻

怨殘紅。夜來無賴。雨催春去。恁恁。但暗水新流。芳恨。蚊淒蜂慘。千林嫩綠。迷空。那知國色還逢。柔弱華清。扶倦輕盈。洛浦臨風。細認得。凝妝點脂。勻粉。露蟬聳翠。蕊金團玉。



成叢幾許愁隨笑解。一聲歌轉春融。眼朦朧。凭闌干半醒醉中。

一枝春除夕

竹爆驚春。競喧填夜起千門。簫鼓流蘇帳暖翠。鼎緩騰香霧。停杯未舉。奈剛要送年新。句應自有歌字清圓。未誇上林鶯語。從他歲窮日莫。縱閑愁怎減。劉郎風度。屠蘇辦了。迤邐柳欺梅妬。宮壺未曉。早驕馬繡車盈路。還又把月夜花朝。自今細數。

武林舊事云守歲之詞雖多極難其選獨守齋一枝春最為近世所稱

被花惱自度腔

疎疎宿雨釀寒輕。簾幙靜垂清曉。寶鴨微溫。瑞煙少。簷聲不動。春禽對語。夢怯頻驚覺。欹珀枕倚銀牀。半窗花影明東照。惆悵夜來風生。怕嬌香混。瑤草披衣便起。小徑回廊處處多行。到正千紅萬紫競芳妍。又還似年時被花惱。驀忽地省得而今雙鬢老。

詞旨詞眼蝶凄峰慘

翁孟寅

孟寅字賓陽號五峯錢唐人四朝聞見錄云翁孟寅其先本建之崇安人祖中丞彥國偽楚張邦昌僭帝時嘗提兵勤王為李丞相綱之亞父謙之進上孟寅首登臨安鄉書

齊天樂元夕

紅香十里銅駝夢。如今舊遊重省。節序飄零。歡娛老大。慵立燈光蟾影。傷心對景。怕回



首東風雨晴難準。曲巷幽坊管絃一片笑相近。飛棚浮動翠葆看金釵半溜春爐紅。粉鳳輦鰲山雲收霧歛。迤邐銅壺漏迥。霜風漸緊展一幅青綃爭懸孤鏡帶醉扶歸曉。醒春夢穩。

燭影搖紅

樓倚春城。瑣窗曾共巢春燕。人生好夢逐春風。不似楊花健。舊事如天漸遠。奈晴絲牽愁未斷。鏡塵埋恨。帶粉樓香。曲屏寒淺。環珮空歸故園。羞見桃花面。輕煙殘照下欄杆。獨自疎簾捲。一信狂風又晚。海棠花隨風滿院。亂鴉歸後。杜宇啼時。一聲聲怨。

阮郎歸

月高樓外柳花明。單衣怯露零。小橋燈影落殘星。寒燈蘸水萍。歌袖窄。舞環輕。梨花

夢滿城。落紅啼鳥兩無情。春愁添曉醒。

吳文英夢窗乙葉江神子送翁五峯自鶴江還都云西風一葉送行舟淺遲留  
艤江洲新浴紅衣綠水帶香流應是離宮城外曉人吟立小簾鉤新歸重省別  
來愁黛眉頭半痕秋天上人間斜月綉  
針樓湖浪莫迷花蝶夢江上釣負輕鷗

趙汝芑

汝芑字參晦號霞山宋史宗室世  
系表商王元份八世孫善官子

梅花引

對花時節不曾歡。見花殘。任花殘。小約簾櫳一面受春寒。題破玉榭雙喜鵲。香燼冷。遠



雲屏渾似山。待眠未眠事萬千。也問天也恨天。天髻兒半偏。繡裙兒寬了又寬。自取紅  
檀重坐暖金船。惟有月知君去處。今夜月照秦樓第幾間。

夢江南

簾不捲。細雨熟櫻桃。數點霽霞天又曉。一痕涼月酒初消。風緊絮花高。蕭閑處。磨盡  
少年豪。昨夢醉來騎白鹿。滿湖春水段家橋。濯髮聽吹簫。

戀繡衾

柳絲空有萬千條。繫不住溪頭畫橈。想今宵也對新月。過輕寒何處小橋。玉簫臺榭  
春多少。溜啼痕盈臉未消。怪別來燕支慵傅。被春風偷在杏梢。

漢宮春

著破荷衣笑。西風吹我又落西湖。湖間舊時飲者。今與誰俱。山山暝帶似携來。畫卷重  
舒。三十里芙蓉步障。依然紅翠相扶。一目清無留處。任屋浮天上。身集空虛。殘燒夕  
陽。過雁點點疎疎。故人老大好襟懷。消減全無。漫贏得秋聲兩耳。冷泉亭下騎驢。

如夢令

小硃紅綾牋紙。一字一行春淚。封了更親題。題了又還折起。歸未歸。未好箇瘦人天氣。

詞旨警句怪別來。照脂慵傅。  
被東風偷在杏梢。

馮去非



去非字可遷號深居南康都昌人淳祐元年進士幹辦淮東轉運司寶祐四年召為宗學諭

喜遷鶯

涼生遙渚正綠菱擎霜黃花招兩鴈外漁燈菴邊蟹舍蜂葉表秋來路世事不離雙鬢  
遠夢偏欺孤旅送望眼但憑舷微笑書空無語慵看清鏡裏十載征塵長把朱顏汚  
借著清油揮毫緊塞舊事不堪重舉間濶故山猿鶴冷落同盟鷗鷺倦遊也便檣雲拖  
月浩歌歸去

吳文英夢窗丙藁燭影搖紅錢馮深居翼日深居初度云飛蓋西園晚秋恰勝  
春天氣霜花開盡錦屏空紅葉新裝綴時放清杯泛水暗淒涼東風舊事夜吟  
不就松影闌干月籠寒翠莫唱陽關但憑綵袖歌千秋星入夢隔明朝十載  
吳宮會一棹回潮渡葦正西窗燈花報喜柳蠻樓素試酒爭憐不教不醉

許棐

棐字忱夫海鹽人嘉熙中隱居秦溪於水南種梅數十樹自號梅屋室中懸白香  
山蘇東坡二像事之人有奇編見無不錄以故環室皆書著有獻醜集一卷梅屋  
藁三卷融春小綴一卷樵  
談一卷梅屋詩餘一卷

鷓鴣天

翠鳳金鸞繡欲成沉香亭下欵新晴綠隨楊柳陰邊去紅踏桃花片上行鶯意緒蝶  
心情一時分付小銀箏歸來玉醉花柔困月瀝紗窗約半更

琴調相思引

組繡盈箱錦滿機倩人縫作護花衣恐花飛去無復上芳枝已恨遠山迷望眼不須



更畫遠山眉。正無聊賴。雨外一鳩啼。

後庭花

一春不識西湖面。翠羞紅倦。兩窗和淚。搖湘管。意長牋短。知心惟有雕梁燕。自來相伴。東風不管琵琶怨。落花吹遍。

梅屋詩餘滿宮春云懶博香慵弄粉猶帶淺醒微困金鞍何處掠新歡倩燕鶯尋問柳供愁花獻恨衰絮獵紅成陳碧樓能有幾番春又是一個春盡虞美人云杏花窗底人中酒花與人相守簾衣不肯護春寒一聲嬌嚏兩眉攢擁衾眠明朝又有秋千約恐未收梳掠倩誰傳語畫樓風畧吹絲雨濕春紅絳遊蹤山花子云按柳揉花旋染衣線線紅翠撲春輝羅綺叢中無此艷小西施腰細最便園舞帕袖寒時復罩香匝誤點一痕殘粉淚怕人知

陸叡

叡字景思號雲西會稽人會稽續志進士表紹定五年徐元杰榜陸叡個五世孫景定建康志陸叡淳祐中沿江制置使參議除禮部員外崇政殿說書

瑞鶴仙

溼雲黏鴈影。望征路愁迷。離緒難整。千金買光景。但疎鐘催曉。亂鴉啼暝。花惊暗省。許多情相逢夢境。便行雲都不歸來也。合寄將音信。孤迥。盟鷺心在。跨鶴程高。後期無準。情絲待剪。翻惹得舊時恨。怕天教何處。參差雙燕。還染殘朱刺粉。對菱花與說相思。看誰瘦損。

詞旨警句對菱花與說相思看誰瘦損瑞鶴仙

蕭泰來



泰來字則陽號小山臨江人紹定二年進士有小山集癸辛雜識云泰來理宗朝為御史附謝丞相為右司李伯玉所劾姚希得指為小人之宗

霜天曉角 梅

千霜萬雪受盡寒磨折。賴是生來瘦硬。渾不怕角吹徹。清絕影也別。知心惟有月元

沒春風情性如何共海棠說

庶齋老學叢談云此作與王瓦全梅詞命意措詞畧相似詞旨警句清絕影也別知心惟有月霜天曉角

趙希邁

希邁字端行詞本作瑞行誤號西里永嘉人宋中宗室世系表燕王德昭九世孫師僚第三子續文獻通考云趙希邁著有西里稿高疎察跋

八聲甘州 竹西懷古

寒雲飛萬里一番秋一番攪離懷向隋堤躍馬前時柳色今度蒿萊錦纜殘香在否枉

被白鷗猜千古揚州夢一覺庭槐歌吹竹西難問拚菊邊醉著吟寄天涯任紅樓踪

跡茅屋染蒼苔幾傷心橋東片月趁夜潮流恨入秦淮潮回處引西風恨又渡江來

詩話總龜云蜀岡者維揚之地也蜀岡之南有竹西亭修竹疎翠後即禪智寺也取杜牧之斜陽竹西路歌吹是揚州自蜀岡以南景氣頓異北風至此遂絕葛洞江都志云竹西亭在城北五里禪智寺側向子固易曰歌吹經紹興兵火周宗重建復古名

趙崇璠

崇璠字漢宗號白雲南豐人嘉定十六年進士授石城令改淳安嘗上疏極論儲嗣未定及中人專橫官至大宗丞有白雲稿宋史宗室世系表商王元份九世孫

汝悉長子



蝶戀花

一剪微寒禁翠袂。花下重開舊燕。添新壘。風旋落紅香匝地。海棠枝上鶯飛起。薄霧籠春天欲醉。碧草澄波。的的情如水。料想紅樓挑錦字。輕雲淡月人憔悴。

菩薩蠻

桃花相向東風笑。桃花忍放東風老。細草碧如煙。薄寒輕暖天。折釵鸞作股。鏡裏參差舞。破碎玉連環。捲簾春睡殘。

趙希彭一作

希彭字清中號十洲四明人宋史宗室世系表燕王九世孫師鄭長子延祐四明志寶慶二年王會龍榜進士

霜天曉角桂

姮娥戲劇手。種長生粒。寶幹婆娑。千古飄芳。吹滿虛碧。韻色檀露滴。人間秋第一。金粟如來境界。誰移在小亭側。

秋蕊香

髻穩冠宜翡翠。壓鬢絲絲金蕊。遠山碧淺蘸秋水。香煖榴裙襯地。寧寧二八餘年紀。惱春意。玉雲凝重步塵細。獨立花陰寶砌。

王澡

澡自身甫號瓦全庶齋老學叢說云澡四明人有瓦全集文獻通考王澡寧海人太常博士初名津字子知



霜天曉角 梅

疎明瘦直不受東皇識。留與伴春應肯。千紅底。怎著得。夜色何處笛。曉寒無奈力。飛

入壽陽宮裏一點點有人惜。

方岳深雪偶談云太常博士瓦全王先生有落梅小詞云云劉公潛夫已附于後  
村集詩話中予亦借附之拙藁雖然先生文行表表一詞固何足為先生軒輊也  
予少時即登門以先公同生丙戌且相友善之故遂辱撰先公墓銘誌中有文不  
逮岳而岳強以銘之語當知前輩獎掖後進有如此也

趙與御 詞本誤

與御字慶御號崑崙宋史宗室世系表燕王十世孫希沂第三子

謁金門

歸去去。風急蘭舟不住。夢裏海棠花下。語醒來無覓處。薄倖心情似絮。長是輕分輕  
聚。待得來時春幾許。綠陰三月。莫

樓 槃

槃字考前號曲欄

霜天曉角 梅

月淡風輕。黃昏未是清。吟到十分清處。也不啻二三更。曉鐘天未明。曉霜人未行。只  
有城頭殘角。得說盡我平生。

又



剪雪裁冰有人嫌太清。又有人嫌太瘦，都不是我知音。誰是我知音，孤山人姓林。一自西湖別後，辜負我到如今。

鍾過

過字改之號梅心廬陵人  
中寶祐三年乙卯解試

步蟾宮

東風又送酴醾信。蚤吹得愁成潘鬢。花開猶似十年前人，不似十年前俊。水邊珠翠，香成陣也。消得燕窺鶯認。歸來沉醉月朦朧。覺花氣滿襟猶潤。

詞旨警句花開猶似十年前人不似十年前俊步蟾宮  
詞眼燕窺鶯認

李肩吾

肩吾字子我號蟪州眉州人精六書之學嘗著字通為魏鶴山之客虞集字通序  
云李君在魏文靖公門下有師友之道焉

搗毬樂

風冒鶯紅雨易晴。病花中酒過清明。綺窗幽夢亂於柳，羅袖淚痕凝似飴。冷地思量著，春色三停早二停。

風流子

雙燕立虹梁。東風外、煙雨濕流光。望芳草雲連，怕經南浦。葡萄波漲，怎博西涼。空記省殘妝。眉暈斂，眉袖唾痕香。春滿綺羅，小鶯捎蝶，夜留絃索。么求鳳凰。江湖飄零久，頻



回首無奈觸緒難忘。誰信溫柔牢落。翻墮愁鄉。便別本作使非玉箋銅爵。花間陶寫。瑤釵金鏡。月底平章。十二主家樓苑。應念蕭郎。

清平樂

美人嬌小鏡裏容顏好。秀色侵人春帳曉。郎去幾時重到。叮嚀記取兒家。碧雲隱映紅霞。直下小橋流水。門前一樹桃花。

風入松

霜風連夜做冬晴。曉日千門。香葭暖透黃鐘管。正玉臺彩筆書雲。竹外南枝意早。數花開對清樽。香閨女伴笑輕盈。倦繡停針。花磚一線添紅景。看從今迤邐新春。寒食相逢何處。百單五箇黃昏。

烏夜啼

徑蘚痕沿碧甃。簷花影壓紅闌。今年春事渾無幾。游冶懶情慳。舊夢鶯鶯沁水。新愁燕燕長干。重門十二簾休捲。三月尚春寒。

清平樂

東風無用吹得愁眉重。有意迎春無意送。門外溼雲如夢。韶光九十慳慳。俊遊回首關山。燕子可憐人去。海棠不分春寒。

鷓鴣天



綠色吳箋覆古苔。濡毫重擬賦幽懷。杏花簾外鶯將老。楊柳樓前燕不來。倚玉枕墜  
瑤釵。午窗輕夢繞秦淮。玉鞭何處貪游冶。尋徧春風十二街。

詞旨警句可呼記取兒家碧雲隱映紅霞直下小橋流水門前一樹桃花

黃

簡一名居簡字元易號東浦文肇社虎邱志云黃居簡字元易建安人工詩嘉熙中卒通判翁逢龍墓之虎邱王鑿姑蘇志云漳潭陳氏北園范石湖書扁東浦黃簡為記即其人也

柳梢青

病酒心情喚愁無限。可奈流鶯。又是一年。花驚寒食。柳認清明。天涯翠巘層層。是多  
少長亭短亭。倦倚東風。只憑好夢。飛到銀屏。

玉樓春

龜紋曉扇堆雲母。日上綵闌新過雨。眉心猶帶寶觥醒。耳性已通銀字譜。密奩綵索  
看看午。暈素分紅能幾許。妝成按鏡問春風。比似庭花誰解語。

陳策

策字次賈號南墅上虞人以功授武階

摸魚兒

樓賦

倚危梯。醉春懷。古輕寒。纔轉花信。江城望極。多愁思。前事惱人方寸。湖海興。算合付元  
龍舉白澆談。吻憑高試問。問舊日王郎。依劉有地。何事賦幽憤。沙頭路。休記家山遠。



近賓鴻一去無信。滄波渺渺空歸夢。門外北風淒緊。烏帽整。便做得功名難綠。星星鬢。

敲吟未穩。又白鷺飛來。垂楊自舞。誰與寄離恨。

李曾伯可齋雜豪仲宣樓記畧云按江陵志樓名昉於祥符復於紹興淳祐十年  
賈公似道為制置使重新是樓夏六月易鎮全淮覃懷李其繼之如前畫越半暮  
告成一蜡月二十有五日常集賓校置酒而落之又點絳唇錢陳次賈云懶上巍樓  
楚江一望天無際漫游萍實莫挽東流水一片秋光直到山陰里人還記戍邊歸  
未更憶鱸魚美又齊天樂和陳次賈為壽韻云今年塞上秋來早昂街尚餘芒曜  
舉目關河驚心孤天顧我豈堪戎毒幾番鳳語愧保障何功恩隆旒藻笑指呼鷹  
露花煙草憶劉表頭顱如許相與歲寒猶賴有白髮歸公道對月懷人臨風訪古往  
事淒涼難考何時是子莫馳志伊吾會行清廟正作於仲宣樓落成之日也  
可齋為荆州閫師次賈在賓幕相與倡和此詞謝參差相傳後梁高季興所建望  
江陵志餘云仲宣樓在城東南隅憑墉結構列榭於相傳後梁高季興所建望  
沙樓也陳堯佐鎮荆乃易今名無登樓賦注言樓在江陵亦自江陵縣還詩  
朝出看牛縣夕反仲宣樓先賢傳亦云荆州有王粲字則樓屬江陵亦自江陵縣還詩  
必泥指當陽襄陽為定案也

滿江紅 楊花

倦繡人閑。恨春去淺。顰輕掠。章臺路。雪黏飛燕。帶片穿幕。委地身如遊子倦。隨風命似  
佳人薄。歎此花去後。更無花情。懷惡。心下事誰堪託。憐老大。傷飄泊。把前回離恨。暗  
中描摸。又趁扁舟低欲去。可憐世事。今非昨。看等閑飛過女墻來。鞦韆索。

黃 曩 高氏判本

夏字叔賜號玉林胡季直云玉林蚤棄科舉雅意請書吟咏自適游受齋稱其詩  
為晴空冰柱樓秋房聞其與魏菊莊友善并以泉石清士目之有絕妙詞選二十  
卷散花菴詞一卷



清平樂詞

珠簾寂寂。愁背銀缸泣。記得少年初選入。三十六宮第一。當時掌上承恩。而今冷落長門。又是羊車過也。月明花落黃昏。

詞旨警句。又是羊車過也。月明花落黃昏。清平樂。散花菴詞。浪淘沙云。秋色滿層霄。翦寒颼。一襟殘照。兩無聊。數盡歸鴉。人不見。落木蕭蕭。往事欲魂消。夢想風標。春江綠漲。水平橋。側帽停鞭。沽酒處。柳軟鶯嬌。

李振祖

振祖號中山。寶祐四年登科。錄第四中第十三人。李振祖字起翁。第萬一。慈侍下。年四十六。二月丁酉日丑時生。外氏趙。一舉娶劉氏。曾祖簡能。御史。祖皎。承義。即父寧。本貫福州閩祖。縣為戶。

浪淘沙

春在畫橋西。畫舫輕移。粉香何處度漣漪。認得一船楊柳外。簾影垂垂。誰倚碧闌。酒暈雙眉。鴛鴦並浴燕交飛。一片閑情春水隔。斜日人歸。

薛夢桂

夢桂字叔載。號梯廳。永嘉人。寶祐癸丑。勉勉榜進士。嘗知福清縣。四朝聞見錄云。夢桂又公圭。紹熙五年上書。光宗請建儲。東嘉姓譜云。薛夢桂仕至平江倅。

醉落魄

單衣乍著。滯寒更傍東風作。珠簾壓定銀鈎索。雨弄新晴。輕旋玉塵落。花唇巧借妝紅約。嬌羞纔放三分萼。樽前不用多評泊。春淺春深。都向杏梢覺。

眼兒媚

綠



碧筒新展綠蕉芽。黃露灑榴花。蘸煙染就。和雲捲起。秋水人家。只因一朶芙蓉。月生怕黛。簾遮燕銜不去。鴈飛不到。愁滿天涯。

三姝媚

薔薇花謝去。更無情。連夜送春風雨。燕子呢喃。似念人憔悴。往來朱戶。漲綠煙深。早零落。點池萍絮。暗憶年華。羅帳分釵。又驚春暮。芳草淒迷。征路待去也。還將畫輪留住。縱使重來。怕粉容銷膩。却羞郎覷。細數盟言。猶在。悵青樓何處。綰盡垂楊。爭似相思。寸縷

浣溪紗

柳映疎簾花映林。春光一半幾銷魂。新詩未了枕先溫。燕子說將千萬恨。海棠開到二三分。小窗銀燭又黃昏。

曾揆

揆字舜卿號嬾翁南豐人

西江月

欄雨輕敲夜夜。牆雲低度朝朝。日長天氣已無聊。何況洞房人悄。眉共新荷不展。心隨垂柳頻搖。午眠彷彿見金翹。鶯鶯覺數聲啼鳥。

絕妙好詞箋卷三終

錢唐汪 沈同校勘  
陳皋



絕妙好詞箋卷四

弁陽老人周密原輯

宛平查為仁  
錢唐厲鶚  
同箋

吳文英

文英字君特號夢窗四明人從吳履齋諸公游有夢窗甲乙丙丁藁尹惟曉云求詞於吾宋前有清真後有夢窗此非煥之言天下之公言也沈義甫云夢窗深得清真之妙其失在用事下語太晦處人不可曉張叔夏云吳夢窗如七寶樓臺眩人眼目拆碎下來不成片段

入聲甘州 陪庾幕諸公秋登靈岳

渺空煙四遠。是何年青天墜長星。幻蒼崖雲樹。名娃金屋。殘霸宮城。箭迤酸風射眼。劍

水染花腥。時鞞雙鴛響。廊葉秋聲。宮裏吳王沉醉。倩五湖倦客。獨釣醒醒。問蒼波無

語。華髮奈山青。水涵空閣凭。高處送亂鷗斜日。落漁汀。連呼酒上琴臺去。秋與雲平。

吳郡圖經續記云研石山在吳縣西二十一里越絕書云吳人於研石山置館娃宮三頂有山池曰月池曰研池曰玩花池蓋吳時所鑿也山上舊傳有琴臺又有響屨廊或曰鳴屨廊廊以梗楠藉地西子行則有聲故名嘗登臨岩之巔俯瞰具區煙濤浩渺一目千里而碧巖翠塢點綴於滄波之間誠絕景也或云晉陸坑捨宅為寺即靈巖寺也吳郡志云靈巖山前有采香徑橫斜如卧箭

聲聲慢 閩重九飲郭園

檀藥金碧。婀娜蓬萊。游雲不蘸芳洲。露柳霜蓮。十分點綴。殘秋新鬢。畫眉未穩。似含羞。低度墻頭愁送遠。駐西臺車馬。共惜臨流。知道池亭多宴。掩庭花長是。驚落秦謳。膩



粉闌干猶聞凭袖香留輸他翠漣拍甃瞰新妝時浸明眸簾半捲帶黃花人在小樓  
夢窗乙葉絳都春余在來清華池館六年賦咏屢以感昔傷今益不懷堪乃復作  
此解云春來雁渚弄艷冶又入垂楊如許因舞瘦腰啼濕宮黃池塘雨碧沿蒼蘚  
雲根路尚追想凌波微步小樓重上憑誰為唱舊時全縷凝眸煙羅翠竹欠羅袖  
為倚天寒日暮強醉梅邊招得花奴來尊俎東風須惹春雲住莫把飛瓊吹去便  
教移取薰籠夜溫繡戶花心動郭清華新軒云入眼青紅小玲瓏飛簷度雲微溼  
繡檻長春金屋寬花誰管采菱波狹翠深知是深少都不放夕陽紅入待妝綴  
新漪漲翠小園荷葉此去春風滿筵應時鎖蛛絲淺虛塵榻夜雨試燈晴雪吹梅  
越取玳簪重盃捲簾不解招新燕春須笑酒慳歌澀半窗掩日長困生翠睫按郭  
園當即是郭清華池館  
惜人與地俱不可考矣

青玉案

短亭芳草長亭柳記桃葉煙江口今日江村重載酒殘杯不到亂紅青塚滿地閒春繡  
翠陰曾摘梅枝嗅還憶鞦韆玉蔥手紅索倦將春去後蒼微花落故園蝴蝶粉薄殘  
香瘦

又

新腔一唱雙金斗正霜落分甘手已是紅窗人倦繡春詞裁燭夜香温被怕減銀壺漏  
吳天鴈曉雲飛後百感情懷頓別本作疎酒綵扇何時翻翠袖歌邊拚取醉魂和夢  
化作梅邊瘦

好事近

飛露灑銀牀葉葉怨梧啼碧斲竹粉連香汗是秋來陳迹藕絲空纜宿湖船夢澗水



雲寒。還擊鷺鴦不住。老紅香月白。

唐多令

何處合成愁。離人心上秋。縱芭蕉不雨也飈飈。都道晚涼天氣好。有明月。倦登樓。年  
事夢中休。花空煙水流。燕辭歸客尚淹留。垂柳不繫裙帶住。漫長不繫行舟。

張叔夏云此詞  
珠快不質實

高陽臺

梅落

官粉雕痕。仙雲墮影。無人野水荒灣。古石埋香。金沙鎖骨連環。南樓不恨吹橫笛。恨曉  
風千里關山。半飄零。庭院黃昏。昏月冷。欄杆。壽陽宮裏愁鸞鏡。問誰調玉髓。暗補香瘢。  
細雨歸鴻。孤山無限春寒。離魂難倩招清些。夢縞衣解佩溪邊。最愁人。啼鳥清明。葉底

青圓

杏花天

午重

幽懽一夢成炊黍。知綠暗汀菰幾度。竹西歌斷芳塵去。寬盡經年臂縷。梅黃後林梢  
更雨。小池面啼紅怨。莫當時明月重生處。樓上宮眉在否。

風入松

聽風聽雨過清明。愁草埋花。銘樓前綠暗分。携路一絲柳一寸。柔情料峭春寒中。酒交  
加曉夢啼鶯。西園日日掃林亭。依舊賞新晴。黃蜂頻撲鞦韆索。有當時纖手香凝。惆



悵雙鴛不到幽階一夜苔生。

朝中措

晚妝慵理瑞雲盤。針線傍燈前。燕子不歸，簾捲海棠，一夜孤眠。踏青人散，遺鈿滿路，雨打鞦韆。尚有落花寒在，綠楊未褪青綿。

西江月

青梅枝上晚花

枝裊一痕雪在。葉藏幾豆春濃。玉奴最晚嫁東風。風來結梨花幽夢。香力添薰羅被瘦。肌猶怯水綃綠陰。青子老溪橋。羞見東隣嬌小。

浪淘沙

燈火雨中船。客思綿綿。離亭春草又秋煙。似與輕鷗盟未了。來去年年。往事一潸然。莫過西園。凌波香斷綠苔錢。燕子不知春事改。時立鞦韆。

高陽臺

豐樂樓分韻得如字

修竹凝妝。垂楊駐馬。憑闌淺畫成圖。山色誰題。樓前有鴈斜書。東風緊送斜陽下。弄舊寒晚酒醒餘。自銷凝。幾許花前頓老相如。傷春不在歌樓上。在燈前。欹枕雨外。薰爐怕有游船臨流。可奈清臞飛紅。若到西湖底。攪翠瀾。總是愁魚。莫重來。吹盡香綿。淚滿平蕪。

思嘉客



迷蝶無踪曉夢沉。寒香深閉小庭心。欲知湖上春多少。但看樓前柳淺深。愁自遣。酒孤斟。一簾芳景燕同吟。杏花宜帶斜陽看。幾陣東風晚又陰。

采桑子慢

桐敲露井。殘照西窗人起。悵玉手曾携。烏紗笑整風敲。水葉沉紅。翠微雲冷。鴈慵飛樓高。莫上魂銷正在搖。落江蘿。走馬斷橋。玉臺妝謝。羅帕香遺。歎人老長安。燈外愁換秋衣。醉把茱萸細看。清淚溼芳枝。重陽重處。寒花怨蝶。新月東籬。

三姝媚

過都城舊居有感

湖山經醉慣。清春衫啼痕酒痕無限。久客長安。歎斷襟零袂。流塵誰浣。紫曲門荒。泐敗井風搖青蔓。對語東鄰。猶是曾巢謝堂雙燕。春夢人間須斷。但怪得當時夢緣能短。繡屋秦箏。傍海棠偏愛。夜深開宴。舞歇歌沉。花未減。紅顏先變。蛭久河橋。欲向斜陽淚滿。

詞旨屬對霜杵敲寒風燈搖夢盤絲繁腕巧篆垂簷落葉霞飄敗窗風咽風怕波

驚露零秋冷  
警句連呼酒上琴臺去秋與雲平入聲甘州  
簾半捲帶黃花人在小樓聲聲慢玉  
奴最晚嫁東風來結梨花幽夢西江月  
綠陰青子老溪橋羞見東鄰嬌小同上  
月落盃空無影齊天樂不約舟移楊柳岸  
有緣人映桃花見倦尋芳漸老芙蓉猶自  
帶霜看同上

鏡網珊瑚吳文英手書詞彙古香慢自度腔夷則商犯無射宮賦滄浪看桂云  
怨絳墜柳離佩搖蕙霜訊南浦謾憶橋扉倚竹袖寒日暮還問月中游夢飛過  
金風翠竹把殘雲刺水萬頃暗薰冷麝凄苦漸浩渺凌山高處秋澹無光殘照  
誰上露粟侵肌夜約羽林輕誤剪碎惜秋心更腸斷珠塵蕙路怕重陽又催近  
滿城細雨  
沈伯時樂府指迷云余自幼好詩壬寅秋始識靜翁於澤濱癸卯識夢窗暇日



相與倡酬率多填詞因講論作詞之法然後知詞之作難於詩蓋音律欲其協不協則成長短之詩下字欲其雅不雅則近乎纏令之體用字不可太露露則直突而無深長之味發意不可太高高則狂怪而失柔婉之意思此則知所以為難

周公謹賓州漁笛譜玉漏遲題吳夢窗詞集云老來懽意少錦鯨仙去紫簫聲杳怕展金奩依舊故人懷抱猶想烏絲醉墨驚俊語香紅圍繞閑自笑與君共是承平年少雨窗短夢難憑是幾番宮商幾番吟嘯淚眼東風回首四橋煙草載酒倦游之處已換却花間啼鳥春悄悄天涯暮雲殘照堤小舫雨屋深燈春衫慣染山中白雲聲聲慢題夢窗自度曲霜花腴夜窗夢蝶到如今猶宿花深待喚起甚江蘿搖落化作秋聲回首曲終人遠黯銷魂忍看采采芳雲潤墨空題惆悵醉魄難醒獨憐水樓賦筆有斜陽還怕登臨愁未了聽殘鶯啼過柳陰

翁元龍

元龍字時可號處靜娥江題咏云向章人杜成之云時可之作如絮浮水如荷濕露縈旋流轉似沾非著

水龍吟 閣聞城中簫鼓聲

畫樓紅濕斜陽素妝褪出山眉翠街聲暮起塵侵燈戶月來舞地宮柳招鶯水荳飄雁隔年春意黯梨雲散作人間好夢瓊簫在錦屏底樂事輕隨流水暗蘭消作花心計情絲萬軸因春織就愁羅恨綺昵枕迷香占簾看夜舊游經醉任孤山剩雪殘梅漸懶跨東風騎

西湖遊覽志云吳山石龜巷內寶奎寺宋相喬行走故第後捨為寺有理宗書見滄二字勒之崖石而湖塵談云吳山下寶奎寺門徑幽深樹石清雅乃宋相喬行簡故第其西偏坡陀可眺立大江一望在日有巨石上刻見滄二字其旁款璽云御書之寶相傳宋理宗書

風流子 懷西湖



天濶玉屏空。輕雲弄淡墨。畫秋容。正涼挂半蟾。酒醒窗下。露催新鴈。人在山中。又一片好秋花。占了香換却。西風簫女。夜歸帳。栖青鳳。鏡娥妝冷。釵墜金蟲。西湖花深窈。問庭砌。曾占席地歌鐘。載取斷雲歸去。幾處房櫳。恨小簾燈暗。粟肌消瘦。薰爐煙滅。珠袖玲瓏。三十六宮清夢。還與誰同。

醉桃源

柳

千絲風雨萬絲晴。年年長短亭。閨黃看到綠成陰。春由他送迎。鶯思重。燕愁輕。如人離別情。繞湖煙冷。罩波明。畫船移玉笙。

謁金門

鶯樹煖。弱絮絮欲成芳繭。流水惜花流不遠。小橋紅欲滿。原上草。迷離苑。金勒晚風嘶斷。等得日長春又短。愁深山翠淺。

絳都春

秋晚海棠與黃菊咸開

花嬌半面。記蜜燭夜闌。同醉深院。衣袖粉香。猶未經年。如年遠。玉顏不趁秋容換。但換却春遊同伴。夢回前度。郵亭倦客。又拈牋管。慵按梁州舊曲。怕離柱斷。絃驚破金鴈。霜被睡濃。不比花前良宵短。秋娘羞占東籬畔。待說與深宮幽怨。恨他情淡。陶郎舊緣較淺。

詞旨屬對種石生雲移花帶月詞眼愁羅恨綺



花草粹編翁處靜瑞龍吟云清明近還是遞趨東風做成花信芳時一刻千金  
半晴半雨醉春未準雁歸盡離字向人欲寫暗雲難認西園猛憶逢迎翠紉障  
面花間笑隱曲徑池蓮平砌絳裙曾與濯香湔粉無奈燕幕鶯簾輕負嬌俊青  
榆巷陌踴馬紅成寸十年夢鞦韆帶影鞦韆羅塵褪事往憑誰問書長病酒添新  
恨煙冷斜陽晚山黛遠曲曲闌干凭損柳絲萬尺半堤風緊

鄭楷

楷字持正號眉齋三山人常著文房擬制表一卷載元人樊雪舟士寬所輯文章  
善戲

訴衷情

酒旗搖曳柳花天鶯語軟於綿碎綠未盈芳沼倒影蘸鞦韆  
奩玉燕套金蟬負華年

試問歸期是醅釀後是牡丹前

黃孝邁

孝邁字德父號雪舟  
劉克莊後村集跋雪舟長短句云十年前曾評君樂章老矣復觀新腔一卷賦梨  
花云一春花下幽恨重重又愁晴又愁雨又愁風水仙自側金卮臨風一笑酒云  
容吹盡恨東風忙去薰桃染柳不念淡妝人冷又云鶯鴻去後輕抱素鞦韆杏無音  
信細看來祇怕蕊仙不肯讓梅花俊暮春云店舍無煙關山有月梨花滿地二十  
年好夢不曾圓合而今老都休矣其清麗叔原方回不能加其綿密駸駸秦郎和  
天也瘦之作

湘春夜月

近清明翠禽枝上消魂可惜一片清歌都付與黃昏欲共柳花低訴怕柳花輕薄不解  
傷春念楚鄉旅宿柔情別緒誰與溫存空樽夜泣青山不語殘月當門翠玉樓前惟



是有一波相水。搖蕩湘雲。天長夢短。問甚時重見桃根。這次第算人間沒箇并刀。剪斷心上愁痕。

水龍吟

悶情小院。沉吟草深。柳密簾空翠。風簷夜響。殘燈慵剔。寒輕怯睡。店舍無煙。關山有月。梨花滿地。二十年好夢。不曾圓合。而今老都休矣。誰共題詩。秉燭兩厭厭。天涯別袂。柔腸一寸。七分是恨。三分是淚。芳信不來。玉簫塵染。粉衣香退。待問春。怎把千紅換得。一池綠水。

江開

開字開之  
號月明

浣溪沙

手撚花枝憶小蘋。綠窗空鎖舊時春。滿樓飛絮一筆塵。素約未傳雙燕語。新愁還入賣花聲。十分春事倩行雲。

杏花天

謝娘庭院通芳徑。四無人花梢轉影。幾番心事無憑準。等得青春過盡。鞦韆下佳期。又近。算畢竟。沉吟未穩。不成又是教人恨。待倩楊花去問。

詞旨警句不成。又是教人恨。待倩楊花去問。



譚宣子

宣子字明之號在春

謁金門

人病酒。生怕日高催繡。昨夜新番花樣瘦。旋描雙蝶湊。閒凭繡床呵手。却說春愁還又。門外東風吹綻。柳海棠花厮勾。

江城子

柳

嫩黃初染綠初描。倚春嬌。索春饒。燕外鶯邊。想見萬絲搖。便作無情終軟美。天賦與。眼眉腰。短長亭外短長橋。駐金鑰。繫蘭橈。可愛風流。年紀可憐宵。辦得重來攀折後。煙雨暗。不辭遙。

陳逢辰

逢辰字振祖號存熙

烏夜啼

月痕未到朱扉。送郎時。暗裏一汪兒淚。没人知。搵不住。收不聚。被風吹。吹作一天愁。

花草粹編譚在菴春聲碎云津館貯輕寒脉脉離情如水東風不管垂楊無力  
總雨鬢煙膩闌干外怕春燕掠天疏鼓疊春聲碎劉郎易憔悴况是厭厭病起  
花殘漫展便寫就新詞倩誰寄當此際渾似夢峽啼湘攬一寸相思意漁家傲  
云深意纏綿歌宛轉橫波停恨燈前見最憶來時門半掩春不暖梨花落盡成  
秋苑疊鼓收聲帆影亂燕飛又起東風軟目  
力謾長心力短消息斷青山一點和煙遠



雨損花枝

西江月

楊柳雪融滯雨。醅釀玉軟欺風。飛英簌簌扣雕櫳。殘蝶歸來粉重。卷畫扇題塵掩繡。花紗帶寒籠。送春先自費啼紅。更結疎雲秋夢。

樓采

采字君亮

瑞鶴仙

凍痕銷夢草。又招得春歸。舊家池沼。園扉掩寒峭。倩誰將花信。遍傳深窈。追遊趁早。便裁却輕衫短帽。任殘梅飛滿溪橋。和月醉眠清曉。年小青絲纖手。綵勝嬌鬟。賦情誰表。南樓信杳。江雲重。鴈歸少。記衝香嘶馬。流紅回岸。幾度綠楊殘照。想暗黃依舊。東風灞陵古道。

玉漏遲

絮花寒食路。晴絲冒日。綠陰吹霧。客帽欺風愁滿畫船。煙浦綵柱鞦韆散後。悵塵鎖燕簾營戶。從間阻。夢雲無準。鬢霜如許。夜永繡閣藏嬌。記掩扇傳歌。剪燈留語。月約星期。細把花須頻數。彈指一襟幽恨。謾空趁啼鶯聲訴。深院宇。黃昏杏花微雨。

法曲獻仙音



花匣么絃象奩雙陸舊日留歡情意夢到銀屏恨裁蘭燭香篝夜闌鴛被料燕子重來地桐陰鎖窗綺倦梳洗暈芳鈿自羞鸞鏡羅袖冷煙柳畫欄半倚淺雨壓茶蘼指東風芳事餘幾院落黃昏怕春鶯驚笑憔悴倩柔紅約定喚取玉簫同醉

好事近

人去玉屏閑逗曉柳絲風急簾外杏花細雨冒春紅愁溼單衣初試麴塵羅中酒病無力應是繡牀慵困倚鞦韆斜立

二郎神

露牀轉玉喚睡醒綠雲梳曉正倦立銀屏新寬衣帶生怯輕寒料峭悶絕相思無人問但怨入墻陰啼鳥嗟露屋鎖春晴風喧晝柳輕梅小人悄日長謾憶鞦韆嘻笑悵燼冷爐薰花深鶯靜簾箔微紅醉裊帶結留詩粉痕銷怕情遠竊香年少疑恨極盡日憑高目斷淡煙芳草

玉樓春

東風破曉寒成陣曲鎖沉香簧語嫩鳳釵敲枕玉聲圓羅袖拂屏金縷褪雲頭雁影占來信歌底眉尖縈淺暈淡煙疎柳一簾春細雨遙山千疊恨

詞旨屬對花匣么絃象奩雙陸法曲獻仙音珠戲花輿翠翻簾額汗粉難融袖香

新竊

詞眼月

約星期



奚滅

滅字倬然  
號秋崖

芳草南屏  
晚鐘

笑湖山紛紛歌舞。花邊如夢如薰。響煙鷺落日長橋芳草外。客愁醒。天風送遠向兩山。

喚醒癡雲猶自有。迷林去鳥不信黃昏。銷凝曲車歸後一眉新月。獨印湖心。蕊宮相。

答處空巖虛谷。應猿語香林正酣紅紫。夢便市朝有耳誰聽。怪玉兔金烏不換。只換愁人。

董嗣杲西湖百味注云南屏山在興教寺後舊多摩崖剝落之餘止存司馬溫公  
隸書家人卦米元章書琴臺二字東坡訪僧臻詩云我識南屏金鯽魚重來撫檻

散齋餘今寺非昔  
比山則蒼翠自若

華胥引中秋紫  
霞席上

澄空無際。一幅輕綃。素秋弄色。剪剪天風。飛飛萬里。吹淨遥碧。想玉杵芒寒。聽環珮無。

迹。圓缺何心。有心偏向歌席。多少情懷。甚年年共憐今夕。蕊宮珠殿。還吟飄香秀筆。

隱約霓裳聲度。認紫霞樓笛。獨宿歸來更無清夢成覓。

癸辛雜識賈秋壑八月八日生辰四方善頌者以數千計悉俾翹館膳考第其  
甲乙四方傳誦為之紙貴奚倬然有齊天樂云金颺吹淨人間暑連朝弄涼新

雨萬寶功成無人解得秋入天機深處關中自數幾心酌乾坤手料霜露護了  
山河共看元影在銀兔而今神仙正好向青空覓箇冲澹襟宇常念群生如何

便肯從我乘風去夷遊洞府把月杆雲  
機教他兒女水逸山明此情天付與

趙聞禮



聞禮字正  
之號釣月

千秋月

鶯啼晴晝。南國春如繡。飛絮眼。凭闌袖。日長花片落。睡起眉山鬪。無箇事。沉煙一縷騰金獸。千里空回首。兩地厭厭瘦。春去也。歸來否。五更樓外月。雙燕門前柳。人不見。鞦韆院落清明後。

魚遊春水

青樓臨遠水。樓上東風飛燕子。玉鈎珠箔。密密鎖紅闌翠。前剪勝裁。旛春日。戲簇柳簪花。元夜醉開憶舊歡。漫捺新淚。羅帕啼痕未洗。愁見同心雙鳳翅。長安十日輕寒。春衫未試。過盡征鴻。知幾許。不寄蕭郎書一紙。愁腸斷也。箇人知未。

風入松

麴塵風雨亂春晴。花重寒輕。珠簾捲上還重下。怕東風吹散歌聲。棋倦盃頻。畫永粉香花豔。清明十分無處著。閑情來見。娉婷。薔薇誤。冒尋春袖。倩柔荑為補香痕。苦恨啼鴉驚夢。何時攜手同行。

水龍吟  
水仙

幾年埋玉藍田。綠雲翠小。烘春暖。衣薰麝馥。鞞羅塵沁。凌波步淺。鈿碧搔頭。膩黃冰腦。參差難剪。乍聲沉。素瑟。天風佩冷。踟躕舞霓裳遍。湘浦盈盈。月滿。抱相思。夜寒腸斷。



含香有恨招魂無路。瑤琴寫怨。幽韻淒涼。莫江空渺。數峯清遠。粲迎風一笑。持花酌酒。結南枝伴。

隔浦蓮近

愁紅飛眩。醉眼日淡。芭蕉捲帳。掩屏香潤。楊花撲春雲暖。啼鳥驚夢遠。芳心亂。照影收  
奩晚。畫眉嬾。微醒帶困。離情中酒。相半。裙腰粉瘦。怕按六么歌板。簾捲層樓探。蒼燕  
腸斷。花枝和悶。重撫。

賀新郎 螢

池館收新雨。耿幽叢、流光幾點。半侵疎戶。入夜涼風吹不滅。冷燄微茫暗度。碎影落花  
盤秋露。漏斷長門空照淚。袖紗寒映竹無心顧。孤枕掩殘燈炷。練囊不照詩人苦。夜  
沉沉、拍手相親。駭兒癡女。欄外撲來羅扇小。誰在風廊笑語。競戲踏金釵雙股。故苑荒  
涼悲舊賞。悵寒蕪、衰草隋宮路。同燐火。徧秋圃。

詞旨警句珠簾捲上還重下  
怕東風吹散歌聲風入松

施岳

岳字仲山號梅川武林舊事云施梅川吳人精於律呂其卒也楊守齋為樹梅作  
亭薛梯題為誌其墓享質房書周草窗題蓋葬於西湖虎頭巖下  
沈義甫云梅川音律有源流故其  
聲無外談讀唐詩多故語雅淡

水龍吟



翠鷺湧出滄溟。影橫棧壁。迷煙野。樓臺對起。欄杆重凭。山川自古。梁苑平蕪。汴堤疎柳。幾番晴雨。看天低四遠。江空萬里。登臨處。分吳楚。兩岸花飛絮。舞度春風滿。城簫鼓。英雄暗老。昏潮曉汐。歸帆遇。槽淮水東流。塞雲北渡。夕陽西去。正淒涼望極。中原路。杳月來南浦。

清平樂

水遙花暝。隔岸炊煙冷。十里垂楊搖嫩影。宿酒和愁都醒。原本云此下缺六首

解語花

雲容返雪。暮色添寒。樓臺共臨眺。翠叢深窅。無人處。數蕊弄春猶小。幽姿謾好。遙相望。含情一笑。花解語。因其無言。心事應難表。莫待牆陰暗老。稱琴邊月夜。笛裏霜曉。護香須早。東風度。咫尺畫闌瓊沼。歸來夢繞。歌雲墜。依然驚覺。想凭時。小几銀屏冷未了。

蘭陵王

柳花白。飛入青煙巷陌。憑高處。愁鎖斷橋。十里東風正無力。西湖路咫尺。猶阻仙源信。息傷心事。還似去年中酒。恹恹度寒食。閉窗掩春寂。但粉指留紅。茸唾凝碧。歌塵不散。蒙香澤。念鸞孤金鏡。鴈空瑤瑟。芳時良夜盡。怨憶夢魂省。難覓。鱗鴻渺踪跡。縱羅帕親題。錦字誰織。緘情欲寄。重城隔。又流水斜照。倦簫殘。笛樓臺相望對。暮色恨無極。

曲遊春清明湖上



畫舸西泠路。古柳陰花影。芳意如織。小楫衝波。度麴塵扇底。粉香簾隙。岸轉斜陽隔。又  
過盡別船簫笛。傍斷橋翠繞紅圍相對。半篙晴色。頃刻千山暮碧。向沽酒樓前。猶繫  
金勒。乘月歸來。正梨花夜縞。海棠煙幕。院宇明寒食。醉乍醒。一庭春寂。任滿身露溼。東  
風欲眠未得。

步月  
荊

玉宇畫風。寶階明月。翠叢萬點晴雪。煉霜不就。散廣寒霏屑。采珠蓓綠萼。露滋。噴銀豔  
小蓮冰潔。花魂在。纖指嫩痕。素英重結。枝頭香未絕。還是過中秋。丹桂時節。醉鄉冷  
境。怕翻成消歇。玩芳味。春焙旋熏。貯穠韻。水沉頻爇。堪憐處。輸與夜涼睡蝶。

舟陽老人原注云茉莉嶺表所產古今味者不甚多文公曾咏二絕句鄒道鄉亦  
曾咏此篇小蓮冰潔之句狀茉莉最佳此花四月開直至桂花時尚有玩芳之味  
古人用此花焙茶故云  
詞旨屬對竹深水遠臺高石出香茸沾袖粉甲留痕就船換酒隨地攀花

錢唐汪沆同校勘  
陳皋



3192294

絕妙好詞箋卷四終

絕妙好詞箋卷四終



中華民國壹零肆年捌月拾玖日贈送







國家圖書館



004850118

